



KEMENTERIAN SUMBER MANUSIA

KERATAN AKHBAR 7 OKTOBER 2017

UNIT KOMUNIKASI KORPORAT

ISU : WORLDSKILLS COMPETITION ABU DHABI 2017

Bil	Tarikh/ Hari	Akhbar & Tajuk Berita	Ruang/ Muka Surat	Pihak Terlibat
1.	7.10.2017 Sabtu	UTUSAN MALAYSIA WSC 2017: 21 galas amanah negara di Abu Dhabi	Dalam Negeri 11	KSM KKR



FADILLAH YUSOF (berdiri, tujuh dari kiri) bersama Ismail Abd. Mutalib (berdiri, enam dari kiri) bersama kontinjen negara dalam majlis Penyampaian Amanat Kontinjen Negara yang menyertai pertandingan WorldSkills Competition Abu Dhabi 2017, di Shah Alam, semalam. - UTUSAN/SAHARUDDIN ABDULLAH

WSC 2017: 21 galas amanah negara di Abu Dhabi

SHAH ALAM 6 Okt. - Seramai 21 pelajar pusat latihan kemahiran di negara ini menggalas tanggungjawab mewakili Malaysia dalam Pertandingan Kemahiran Dunia (WSC) 2017 yang bakal berlangsung di Abu Dhabi, Emiriah Arab Bersatu (UAE), 14 hingga 19 Oktober ini.

Selain harapan membawa kejayaan kepada negara, kerajaan turut menyediakan ganjaran wang tunai RM100,000 kepada peserta yang berjaya membawa

pulung pingat emas dalam pertandingan bertaraf dunia itu yang disertai 77 negara.

Ganjaran itu diumumkan Menteri Kerja Raya, Datuk Seri Fadillah Yusof semasa menyampaikan amanat kepada kontinjen WSC 2017 negara dalam satu majlis di Pusat Latihan Pengajar dan Kemahiran Lanjutan (CIAST) di Seksyen 19, di sini hari ini.

"Kerajaan Pusat memberi tumpuan serius terhadap pembangu-

nan TVET (Sistem Pendidikan dan Latihan Teknikal dan Vokasional) sebagai pemangkin kepada pembentukan Malaysia sebagai sebuah negara maju dan berpendapatan tinggi pada masa depan.

"Malah, ganjaran itu sekali gus memperlihatkan komitmen Kerajaan Pusat menggalakkan lebih ramai generasi muda untuk berjaya dalam bidang kemahiran," katanya di sini.

Yang turut hadir Timbalan

Menteri Sumber Manusia yang juga Ketua Kontinjen Malaysia ke WSC 2017, Datuk Seri Ismail Abd. Mutallib.

Dalam pada itu, Fadillah turut mengingatkan kontinjen negara supaya bersedia serta fokus dalam persaingan WSC 2017 memabatkan 20 bidang kemahiran yang dipertandingkan antaranya teknologi automotif, terapi kecantikan, pembuatan kabinet, masakan, elektronik dan teknologi fesyen.

ISU : PUSAT PENEMPATAN BAGI PEKERJA ASING

Bil	Tarikh/ Hari	Akhbar & Tajuk Berita	Ruang/ Muka Surat	Pihak Terlibat
1.	7.10.2017 Sabtu	UTUSAN MALAYSIA PPj rancang wujud pusat penempatan pekerja asing	Dalam Negeri 21	JTKSM

PPj rancang wujud pusat penempatan pekerja asing

PUTRAJAYA 7 Okt. - Perbadanan Putrajaya (PPj) merancang untuk mewujudkan pusat penempatan penginapan pekerja asing ekoran masalah lambakan warga asing di Pusat Pentadbiran Kerajaan Persekutuan.

Presidennya, Datuk Seri Hasim Ismail berkata, pihaknya sedang mengenal pasti satu lokasi untuk tujuan tersebut dan bakal diumumkan dalam masa terdekat.

“PPj mengambil kejayaan dan contoh pusat penempatan yang diwujudkan di Negeri

Sembilan dan Johor.

“Sehubungan itu, kita mempelawa mana-mana pihak berminat untuk bekerjasama bagi mewujudkan pusat penempatan tersebut,” katanya dalam sidang akhbar di sini hari ini.

Pada masa sama, Hasim berkata, PPj bersama Polis Daerah Putrajaya dan Jabatan Tenaga Kerja Semenanjung Malaysia melancarkan Ops Sesak di sekitar Presint 16 awal pagi ini bagi menangani masalah kesesakan pekerja asing menghuni kediaman di Putrajaya.